

□ البيه المأمور □

واللى اكر من السجن والفضيحة هم العيال .
أنا ماليش فى الدنيا دى حد غير العيال ، كان نفسى أغتنى
عشان أمتعهم وأعلمهم لحد ما ياخدوا الدكتوراه ، مش عاوز
يحصل لهم اللى حصل لى .
— وأنت حصل لك إيه يا عم حمد الله ؟ ما أنت الحمد لله فت
منها .

— أبوه فت منها بعد إيه ؟ تصدق بإله ، أنا مرة ناظر مدرسة
التجارة طردنى من المدرسة وطلب منى أجيب ولى أمرى ، خدت
ولى أمرى ورحت المدرسة ، ساعة الناظر ما شافه شتمه وضربه
بالشلوت قدام التلامذة .
— وأبوك عمل أيه ؟

— نزل ع الأرض وياس جزمته عشان يقبلنى تانى صمت
حمد الله قليلا ولحت فى عينيه لمعة غريبة وشروا لم أعده فيه من
قبل ، وتوقف عن الكلام ، واستأذن من العبد لله وخرج .
فى ساحة المدرسة ذات صباح قال للعبد لله !
— تعرف كنت مبسوط م المكاسب اللى زى الرز والبناات اللى
زى الزغاليل ، ولكن كان كل ما عينى تقع على العيال ينقبض قلبى،
هايعملوا ايه لو اتمسكت أو مت ؟
قاطعته ضاحكا :

— يمكن يتربوا أحسن بعد موتك
— بقى دا اسمه كلام يا أستاذ
— هو الكلام الصح يا أخ حمد الله ، سيدك وسيدى وسيد
الناس كلها محمد بن عبد الله أتربى يتيم .
— زمنه كان حاجة والزمن بتاعنا حاجة تانية .
— طيب ما عمك عبد الناصر من الزمن بتاعنا وكان يتيم راخر